

欽定八旗通志卷八十九

典禮志十二

滿洲祭神祭天典禮一

祭神祭天議 薦鮮背鐙 祭議 彙記滿洲祭祀故

事 坤寧宮元旦行禮儀注 堂子亭式殿元旦

行禮儀注 堂子亭式殿祭祀儀注 堂子亭式

殿祭祀祝辭 尚錫神亭祭祀儀注 尚錫神亭

祭祀祝辭 恭請神位祭于堂子儀注 恭請神

位入宮儀注

祭神祭天議

每日

金匱要略卷之二十一
坤寧宮朝祭夕祭每月祭天每歲春秋二季大祭四
季獻神每月於

堂子亭式殿

尙錫神亭內掛獻淨紙春秋二季

堂子立杆大祭一切禮儀俱行之已久燦然美備無可置
議惟昔日司祝之人國語嫻熟遇有喜慶之事均
能應時編纂禱祝厥後司祝之清語不及前人復
無典冊記載惟口相授受於字句音韻之間不無

差異卽如祭天之贊辭掛獻淨紙之禱辭掌儀司
俱載有冊檔是以無稍差遺所有司祝之祝禱辭
章若不及時擬定載在冊檔誠如

聖諭音韻字句漸至訛舛今謹將

內廷司祝之一切祭神背燈禱祝贊祈等辭錄出詳
開不惟字句多有差謬卽左右兩翼承充

內廷司祝之贊辭亦彼此互異是以臣等令五旗王
公等將各家祭神辭章錄送並令從前司祝家內

將伊等舊有祝禱辭章悉行錄呈彙寫一帙臣等
公同敬謹覆核訂悞補闕刪複去冗又各就所見
粘籤恭呈

御覽伏候

欽定再恭查

坤寧宮每日祭神至祭馬神之時復於祭馬神室內

另祭所有禱祝之辭亦應更正臣等逐條繕寫恭

呈

御覽如蒙

皇上訓示謹遵繕成全部永遠奉行請自王以下宗室
覺羅以及奉祭覺羅

神之滿洲人等有情願抄錄者俱准其抄錄庶爲臣僕者

仰沐

皇仁滿洲舊俗不致湮沒而永遠奉行矣謹此議
奏

獻鮮背鍙祭議

我滿洲之禮凡祭神祭天犧牲俱用整齊全備者
稍有殘缺卽斥而不用是以祭祀之犧牲供獻

神位不稍留剩卽膳與蹄甲亦取置磔內陳於旁案初我
滿洲在本處圍場旣近所獲之獸可乘其鮮好背
鐙以祭迨入京師圍場旣遠或所獲之獸已越晝
夜或係多傷或已取去腑臟因其不全不敢祭獻
今臣等欽遵

上諭公同詳議如

盛京等處畋獵

皇上親射之獸既難送京祭獻請仍照從前不獻外現
在

大內凡新得鮮果鮮蔬既恭獻

神位而舊例曾以雞雞鮮魚等物背盤以祭王等以及各
滿洲等亦仍有以雞雞鮮魚之類背盤以祭者請
嗣後南苑等處附近畋獵

皇上親射鷹鹿等獸內傷止一處尾蹄臟腑齊全者如

有

旨令背鋸以祭則所司恭賁交司俎人等敬謹修整祭
獻若傷多殘缺不全者仍請勿用至時新鮮物臣
等按其時令請每歲春季以雛雞各二夏季以子
鷺各一秋季以魚各一冬季以雉各二背鋸以祭
其應獻之雛雞子鷺交會計司令莊頭擇肥美者
交納魚雉交都虞司令網戶獵戶擇鮮整者交納
均以生者由掌儀司官員詳視交司俎官敬謹修

整於

神位前背燈以祭等因議准施行

彙記滿洲祭祀故事

我

滿洲國自昔敬

天與

佛與神出於至誠故創基

盛京卽恭建

堂予以祀

天又於

寢宮正殿恭建

神位以祀

佛

菩薩

神及諸

祀位嗣雖建立

壇

廟分祀

天

佛暨神而舊俗未敢或改與祭祀之禮並行至我

列聖定鼎中原遷都京師祭祀仍遵昔日之制由來久矣

而滿洲各姓亦均以祭神爲至重雖各姓祭祀皆

隨土俗微有差異大端亦不甚相遠若

大丙及王貝勒貝子公等均於

堂子內向南祭祀至若滿洲人等均於各家院內向南以

祭又有建立

神杆以祭者此皆祭

天也凡朝祭之

神皆係恭祀

佛

菩薩

關帝惟夕祭之

神則各姓微有不同原其祭祀所由蓋以各盡誠敬以溯

本源或受土地山川

神靈顯祐默相之恩而報祭之也

大內每歲春秋二季於

堂子內立杆祭祀復於

宮內報祭除齋戒並禁止屠宰日期外每日祭神每

月初二日祭天一次四季則有獻神之祭分府之

皇子與

宮內居住之皇子如奉

旨

坤寧宮祭神每月於

皇上祭神祭天後各按次序祭神一日祭天一日其未分

府在

紫禁城內居住之皇子每月各於所居之處祭神祭

天王貝勒貝子公等每歲春秋二季挨次在

寧子內立杆祭祀並各於本家報祭每月祭神祭天公侯

伯大臣官員以下至閑散滿洲或每月或每歲或
四季二季一季於本家內祭神先是每歲春秋二
季

大內立杆祭神過二三日後親王以下入八分公以
上各按班次由

坤寧宮內恭請朝祭夕祭

神位至於各家屆立杆祭祀之日恭請朝祭
神位在

堂子內祭畢仍請至家內夕間大祭於是挨次恭請
神位祭祀俱照此至於月終

大內司俎官司俎等恭請

神位進宮是時

坤寧宮每日祭祀朝則於供

佛金亭幔帳之前夕則於架幔神位前祭祀康熙五十七

年奉

聖祖仁皇帝

諭旨停止王等恭請

神位雍正元年

世宗憲皇帝

特命莊親王怡親王恭請

神位於其府內各祭一次凡滿洲各姓祭神或用女司祝

亦有用男司祝者自

大內以下閑散宗室覺羅以至伊爾根覺羅錫林覺

羅姓之滿洲人等俱用女司祝以祭從前